

欽  
定  
全  
唐  
文

欽定全唐文卷二百九十七目錄

閻邱均

浮屠頌

爲公卿請復常膳第二表

賀連理樹表

爲益州刺史賀赦表

爲益州父老請留博陵王表

爲益州父老請攝司馬鄧某爲眞表

爲益州父老請留史司馬表

爲蜀州刺史第八息進雲母粉表

爲僧履空進圖書古器物等表

唐朝故使持節河東州諸軍事河東州刺史上護

軍王府君碑銘

并序

裴耀卿

論夷州刺史楊濬決杖表

請行禮樂化導三事表

賀平奚契丹表

賀獻長春酒方表

請以講讀尚書周易道德莊列宣付史官奏

請減寧王墳內食味奏

復手敕論外族服制奏

定舅母堂姨舅服制奏

論蓋嘉運疏

請置武牢洛口等倉疏

請緣河置倉納運疏

京師饑請廣漕運疏

皇太子衣服稱謂議

太子賓客贈太子太師竇希球神道碑

欽定全唐文卷二百九十七

閻邱均

均益州成都人景龍中爲安樂公主所薦起家拜太常博士公主被誅坐貶循州司倉卒

浮屠頌

灋定寺浮屠者先德僧琮始起立周一甲子今而圯傾宰君太原王公諱瓊鑒操清能善營福道每聽臨必覩惜乎時墜勉督清眾速於扶持主僧釋處真實膺堪任及派流經久致灋加心柱上出與金輪相依累虧則全新巧便

闕

岷城此製驚壯多有攷量茲模曾不得匹焉處真聰英上  
士談闕等章句辨才見稱大勲可嗟夫頌之而已

靈哉浮屠岌嶭凌踊十一其級千楹萬栱形比孤峭勢如  
飛動赤霞晨開金光晝擁清哀縣樂音響百種暫昇情周  
歎高神恐真分中闕燈花長奉

爲公卿請復常膳第二表

臣某等言前以減膳日久憂損聖躬率土迴惶輕陳管見  
而拳情凝邈猶未俯同誠不感天增其履薄臣聞先王垂  
教以禮制情聖人無心以身從物故能上安七廟下字兆

人所以孝理莫非斯道伏惟陛下率由過禮至性光前想  
終身之憂懷茹荼之酷愆子卯之制淹晦朔之期生靈皆  
所不堪聖體必將勞頓貽臣子之危懼忘社稷之晏虞緬  
茲一善方招兩失求諸典故兼且未安詢及普天孰云其  
可既守高祖之天下爲萬國之歡心先當愛身以寧宗社  
無宜獨善用杜取情伏願俯順禮經仰迴天眷則羣臣荷  
賴庶品咸康不任懇切之至

賀連理樹表

臣聞靈氣所生恆起於無形祥跡所憑名屬於聖日雖微



物之成象固王者之明徵臣所部官園中有李樹質茂宗  
生異標恆類交枝兩出共理三連綠葉密而泛烟白花糝  
而似雪觀於卽事知者稱瑞當今星精下流天意元寄嘉  
圖誰載休徵莫儔昔上林樹生中興劉氏推神議物我則  
居多臣謬齒勞章慙名首席欣逢偶數竊躍昌期

爲益州刺史賀赦表

臣某言臣伏奉二月二十二日制書大赦天下恭惟大賚  
踴躍無地臣聞德至於天真符幽感業齊於聖神物昭光  
伏惟應天皇帝陛下纂復睿謨祇定天保英茂開聰聖之

體文章煥皇王之烈道祿錫允卜食延休順天翊聖皇后  
垂耀軒轅命兆沙麓明章教訓以致其功陰祗助宣於陽  
靈坤德承順於乾道是故貺流椒掖慶發瑤筵祥喬五雲  
絢丹黃而振色褱褕六服命黼藻而融文皇歡載紆滂澤  
時降洗滌逋穢洽潤資生恩宥生死之愆榮加命婦之爵  
凡在區宇孰不戴欣臣忝二方岳化理茂聞參一物而霑  
恩齒同列以稱慶無任下情蹈舞之至

爲益州父老請留博陵王表

臣某言臣伏見陛下睿圖興復寶命維新救寓縣於阡危

拯蒼生於塗炭凡在戴髮孰不幸甚蜀鄉財產古稱天府  
疲弊始西軍之役屢空拯冒賄之夫滿路吁嗟棄親亡散  
維貨是視愛養誰能陛下所以惠賜藩王鎮撫梁益因之  
博利期以政成而元暉至止纔移弦朔除替旋聞臨筵不  
暖陛下與而奪之勾萌未達於方春濟舟忽渡於中水天  
下何謂亡此哀憐今者百姓甚情於官人貪留元暉闕師  
恩闕斯弊遂革美其風而不見其好移其政而不失其宜  
且益州者列岳之雄望元暉者朝廷之忠良明使是推能  
術尤急理以才名相副義與隨時不乖陛下何惜一賢以

遺百姓特望俯迴授受留借期年漑懇上陳馳情無地瞻  
帝闕而遐叶佇天睠而西流獲遂丹誠戴恩瞑目無任悃  
款屏營之至

爲益州父老請攝司馬鄧某爲眞表

臣聞天工人代安危所存得其情則風化淳厚失其性則  
咷庶流離臣等本部益州司馬臣某雅慮忠純貞心剛克  
通識人理博綜古言州無牧伯居攝端右靜以鎮撫物情  
功乃隱於視聽事益於國家故不可一二而言也臣又聞  
寇恂爲郡甚得人心將拜汝南百姓遮道漢皇如請竟留

一歲敢緣斯義上犯天顏伏乞陛下憫垂涕之慈惠黎民之願卽其所守除以爲眞使生人無惜去之嗟孤貧有永綏之賴則上下咸得中和可期伏表上祈以驚以震

爲益州父老請留史司馬表

益州大都督府草莽臣某等若干人謹冒死言臣聞理有所藉賴川重覩於黃霸惜其不可河南一借於寇恂古之恩跡今亦宜有臣等出身草莽茂育元德井飲田食齒老年衰安全家道傾遂天性皆賴陛下聖情恩利惠及蒼生擇循吏以共康官賢才而俾牧者也臣州佐某官英明興

氣忠志居心該舉墳典猶協文史充美價於一省著能聲  
於邦國緹油至止光輔藩維體要而庶政必凝憂勤而自  
公知退伏見今日除節彭州刺史璽函適到熊軾將登  
吏人傳聞驚嗟相惜臣聞天地之道每從人欲帝王之義  
必順人心所以黎庶安寧上下禔福今此百姓乞留一年  
庶得服習其教而易安優柔其道而自得閭閻天遠上祈  
猶難伏乞聖慈回睠殊渙中留停已出之旨復如初之望  
使折心重至驚魂還歸時雨一霑同養萬物無任瞻望佇  
迴之至

爲蜀州刺史第八息進雲母粉表

臣某言伏按雲母者千二百玉石之精七十二氣霧之英也體華而光不爲水毀不爲火燬夫萬物之精者神氣所會未有不化神而能長久者也是以服食者則翱翔自任役使百靈臣肌性虛羸小嬰疾苦務求攝理驗討方書品丹石之名徵草木之氣前聖所錄粗知其體卽味消邪厲力輔神年類非難得之珍價無兼金之重觸疾則愈莫若茲物伏惟越古金輪聖神皇帝陛下福德所符天祚攸久豈假上藥方固南山然一日萬機或煩聖慮色力營衛必

有相資臣從西山野人得其良者其色多白是名雲液臣  
不揆拙昧輒採古仙要方量事施藝翦棄粗糲收取輕英  
開潔清之所遠淹穢之迹浸以茅露洮以東流曠日彌時  
然後功就果得光潤融爛質理研微試之柔膚隨手化滅  
皆云所見未始相侔臣意其精殊倘涉靈祕豈以凡妄所  
敢殮嘗謹詣朝堂敢冒死封進伏希陛下兼愛博物受其  
區區不以凡人忽棄神寶無任下情

爲僧履空進圖書古器物等表

僧履空言履空幸沐國恩謬齒和眾雖居鄰壤志尚幽古



禮誦之餘每得披玩前件真迹書及圖書古物等積集既久眾推奇異豈下僧蒙鄙之資所得自畜如將服用必是保衛聖躬謹因括圖使臣某輒附進上表以聞塵黷旒宸伏增戰灼之至

唐朝故使持節河東州諸軍事河東州刺史上護

軍王府君碑銘

并序

夫神有所服謂之威名有所宗謂之德威非大者則不能以率服德非厚者則不能以獨宗是故靈鳳

闕一字

絕於雲

氣

闕一字

從眾鳥猛虎耽踞於山林震

闕一字

百獸豈其締飾

毛羽以求嘉關一之殊磨利爪牙以取雄羣之勢蓋云材

力所素出關一象所自全固其然也抑聞赭關一明珠多

從於西域異物奇玩必致於南州期於服用關二充光內

府十金是資萬乘爲器者何必顧關一隍而關二黜幽荒

而靡錄哉君諱仁求安寧郡人也其胄出於太原因遷播

而在焉十有餘世氏族之系肇命王子關二之美稱高汾

晉關一品節義氣相續於家風關一代關三歷書於史筆

故知今古關二其關一昔有夏之衰弃稷不務至乎不窋

用失其官自竄於戎狄之間莫思於先君之業守以敦篤

奉以忠信

闕一字

世

不忝前人擬之其倫庶以匹合

闕二字

字

有矚所居必

闕一字

而太伯逃吳文身之風既習少卿降

虜毳幕之化無違夫豈

闕八字

事有與適安土恆

闕一字

其宜

時

闕一字

可從

闕一字

禮必同其欲祖

闕二字

漏隨別駕幹具英

爽風

闕一字

軒邁鷹揚推於顯化驥足整於長途

闕四字

隨大

都督身日律度材

闕一字

梓漆劉

闕一字

望賢於十部陶侃榮

重於八州君遇行運之秀德膺鬼神之靈會道與其

闕一字

而

闕一字

乃聰

闕一字

月在懷

闕一字

寶

闕一字

目謂海蓋廣土量

闕一字

澹而

闕二字

謂山蓋高

闕一字

容隆

闕一字

而難仰智則有

達明則能通推可而斯行擇善而

字關一

動不事於所欲不

爲於所求

字關二

所以久恃貞果所以立

字關三

多其信行州

里高其義聲大略觀書知風聽樂擊劍盡騰援之術

字關三

斂羽之妙可以往

字關一

爾事匡飾有邦故王制輔成以

字關一

字

貢賦至於五千里州十二師外薄四海咸建五長君有

運理羣物之才

字關二

保邊裔之略無待累次直綜

字關二

出

字關一

使持節河東州諸軍事河東州刺史加上護軍由乎

大翼負風凌天地以絕奮巨鱗激水期

字關二

而一

字關一

若

乃訓以生聚之方開其資財之道顓川澤之利

字關一

山林

欽定全唐文

卷二百九十七

閻邱均

八

之饒內足以養老盡季外足以事上供稅力役齊平教化

清靜通其變使人不倦愛其費使人以時賞及馬牛恩肥

土

關一字

庶心咸服冀俗

關一字

歸

關一字

未能大革情性均之

雅俗

關二字

一變風聲

關二字

賢吏矣初

關一字

將求寵於大國

以和其民人招慰奏置姚府已西廿餘州俾睦

關二字

德

關一字

字

前漢六代外事四夷開夜郎之道綏哀牢之

關五字

聲化

率流既處於僻界荒垂不能爲中國輕重時復廢棄但云

羈縻君以地形平衍生殖豐阜

關一字

延企而

關一字

思宐郡

縣以

關一字

事

關一字

乎唐運實

關一字

其勤孰與使者唐

關一字

疆略南峯轉粟浚於驚恐發卒至於殘傷可同一論哉然

貪戾君長負遠放命災我城邑延關一平人關二州刺史

蒙關一實治其亂咸亨之歲犬羊大擾梟將失律元凶莫

懲君武關三義以憤惋關一犀關一以奮擊驅虎關一而

先關三猖狂之種殲厥逋關一之師遐垠是賴到於今而

克寧勲在王室藏於盟府則侯子綺吾破虜截級中國蒙

其惠帝王關一其身關三山巖關一所謂關一密無形爲

計關一主堅強不變爲國關二者已嗚呼關一曰故矣誰

留於變化梁其壞乎已非於疇昔聖賢皆死天道謂關二

咸亨五年八月十五日寢疾而終春秋卅四長子雲麾將

軍行左鷹揚衛翊府中郎將使持節河東州諸軍事河東

州刺史上輕車都尉新昌縣開國子公士善寶炳靈滇水

字

關一

神禹山端儼有望簡貴不雜音儀朗乎秋月詞令潤

乎春雲如蘭之精猶金之利能

字關一

能惠不忌不尅誠立

無易於暗昏言出必應於遠邇故能保世滋大昭前之光

鳴將驚人飛而食

字關一

張博望收虜於屬國魏獻子受

字關一

字

和戎功熙亮采職庀中外雖則符守方鎮恆以宿衛京

都至於朝廷班爵之儀彛倫上下之序樂懸禮物之數軍

麾國憲之容莫不

關一  
字

懷曾襟流入骨髓乃感念追遠永

言孝思汚隆適從無所失道

關二  
字

兼有執而能修張於神

明之器附於絞衾之物崇其封塋設

關三  
字

鬱鬱潤澤白虎

之候可占洪洪博平雄龍之象終吉故其土性惇質有如

上代安錯儀軌弗踐終經聞斯行諸宜我告始則知

關二  
字

合葬自周公而乃來古不高墳傳孔某而其立固率而作

者聊使於事業迹而用者遂成於典謨夫身已沒而名不

盡世彌久而功愈劭凡百

關一  
字

哲託乎鐫紀一

關一  
字

至行

二美具存愛之斯錄之矣敬之斯盡其道焉銘曰



先王疆理其義賓睦小國附庸罔弗祗服聖人在位羣生

蒙福實育

闕一字

賢爲之司牧翼翼夫子守終純

闕一字

振鱗

洪波驤首天路

闕二字

郡道名攜款慕平此凶驕掃茲氛露

高烈時暢懋賞惟嘉敦愛種落輔助邦家嘗聞仁善享壽

宜遐

闕二字

不續黃鳥嗟嗟先以遠日安其宅兆墓門將閑

陰堂不曉

闕二字

隴煙哀悽山草行人墮淚空見銘表

裴耀卿

耀卿字煥之寧州刺史守眞子擢童子舉睿宗朝授國子

主簿開元二十一年拜黃門侍郎同中書門下平章事充

轉運使遷侍中二十四年拜尚書左丞相罷知政事累封  
趙城侯天寶元年進尚書左僕射俄改右薨年六十三贈  
太子太傅諡曰文獻

論夷州刺史楊濬決杖表

臣某言臣伏見夷州刺史楊濬犯賊處死敕決六十配流  
者伏以聖恩天覆仁育品類凡死罪之屬不欲尸諸市朝  
全其性命流竄而已所以政致刑措獄無冤人曠古已來  
未有斯美臣愚以爲全生免死誠爲至化有恥且格爲訓  
將來苟有未安不敢緘默臣以爲刺史縣令與諸吏稍別

人之父母風化所瞻一爲本部長官卽合終身致敬決杖者五刑之末只施於扶朴徒隸之間官蔭稍高卽免鞭撻今決杖贖死誠則已優解體受笞事頗爲辱法至於死天下共之刑至於辱或有所恥況本州刺史百姓所崇一朝對其人吏背脊加杖屈辱頓挫人或哀矜念其免死之恩且有傷心之痛恐非敬官長勸風俗之意又雜犯死法本無杖刑奏報三覆然後行決今非時不覆決杖便發儻獄或未盡又寒熱不耐杖因杖或死卽是促期處分不得順時將欲生之却夭其命又恐非聖明寬宥之意臣前後頻

在州縣或緣雜犯決人每大暑盛夏之時決杖多死秋冬已後至有全者伏望凡刺史縣令於本部決杖及夏暑生長之時所定杖刑並乞停減卽副陛下好生之德於死者皆有再生之恩也臣無任

請行禮樂化導三事表

三者禮樂化道也州牧縣宰所守者宣揚禮樂典書經籍所教者返古還樸上奉君親下安鄉族若皆氣和浹洽自然化理清平由此言之不在刑法聖朝制禮作樂雖行之自久而外州遠郡俗習未知徒聞禮樂之名不知禮樂之

實竊見鄉飲酒禮頒於天下比來惟有貢舉之日略用其儀閭里之間未通其事臣在州日率當州所管縣貳與百姓勸導行禮奏樂歌至白華華黍由庚等章言孝子養親及羣物遂性之義或有泣者則知人心有感不可盡誣但臣州久絕雅聲不識古樂伏計太常具有樂器大樂久備和聲伏望今天下三五大州簡有性識於太常調習雅聲仍請笙竽琴瑟之類各三兩事令比州轉次造習每年各備禮儀準令式行禮稍加勸獎以示風俗又以州縣之學本以勸人祿在其中聞於學也今計天下州縣所置學

生不減五六萬人及諸色並國子每年薦舉擢第過百人  
已上雖有司明試務在擇才而學校衰微居然可驗州縣  
補學生之日皆不願爲遠郡送鄉貢之時多有不願來集  
恐成頽弊不可因循伏望詳擇其宜微加勸革

賀平奚契丹表

奚及契丹尤近邊鄙侵軼是慮式遏成勞臣庶常情欲其  
防禦所謂長策無出此者陛下獨斷宸襟高奪羣議以爲  
頓兵塞下轉粟邊軍曠日持久役無寧歲若不因利乘便  
一舉遂平使遷善者自新爲惡者就戮事若不爾無息我

人且命大兵臨之凶徒必潰不出此歲當並成擒臣等初奉聖謀高深未測及聞凱捷晷候不差兩蕃遺噍莫不稽顙緣邊戍卒咸已返耕卧鼓熄烽誠自此始斯皆陛下睿謀先定神算非常觀變早於未萌必取豫於無象臣伏以成功不宰君人所以爲量有美不宣臣子所以成罪臣雖蒙瞽安敢無言旣豫聞始謀又幸見成事豈可使天功虛往日用不知竹帛相傳復紀何事請具狀宣付史館垂示將來仍許將吏等刊石立頌以紀功德臣耀卿等不勝區區抃躍之至謹奉狀以聞謹奏

賀獻長春酒方表

伏承逸人姜撫獻同度山長生藥祕精英而日久候聖明  
而乃彰伏惟陛下大聖撫運濇仁濟俗和氣時若淳風穆  
然上帝式臧用分景福逸人斯至乃表長生藥薦長春酒  
和甘露天栢暫御神策逾增益光明於日月齊長久於天  
地臣子大慶開闢所無朝野多歡蹈舞相繼況自中外賜  
藥兼方遠使人寰同昇壽域慶流渥澤馳景迴光凡在生  
靈不勝悅慶臣等望進禮食以稱壽觴歡寶祚之無疆樂  
微生之有遇



請以講讀尚書周易道德莊列宣付史官奏

臣等伏承陛下講讀尚書周易道德莊列畢聖心宏道國  
訓崇儒元風遠被更自茲始況以事殷四海念切萬方日  
旰罷朝旣披文於內殿風迴問俗亦函丈於行宮漢皇乙  
夜無以過此悟老莊之旨齊物而仁恕以行運堯舜之心  
稽古則憲章攸備鉤深致遠不疾而速陶鈞庶類品物之  
歡幸實渙宏獎大猷簡策之輝光載遠臣等叨陪獻納竊  
奉徽音慶躍之誠倍百常品伏望宣付史官騰芳盛烈

請減寧王墳內食味奏

尚食所料水陸等味一千餘種每色瓶盛安於藏內皆是  
非時瓜果及馬牛驢犢麋鹿等肉並諸藥酒三十餘色儀  
注禮料皆無所憑臣據禮司所科奠祭相次事無不備典  
制分明天恩每申讓帝之志務令儉約禮外加數竊恐不  
安又非時之物馬驢犢等並野味魚鴈鵝鴨之屬所用銖  
兩動皆宰殺盛夏胎養聖情所禁又需造作什物動餘千  
計求徵市井實謂煩勞千味不供禮無所闕伏望依禮減  
省以取折衷

復手敕論外族服制奏

外族之親禮無厭降外甥旣爲舅母制服舅母還合報之夫之外甥旣爲報服則與夫之姨舅以類是同外甥之妻不得無服所增者頗廣所引者漸疎微臣愚蒙猶有未達

定舅母堂姨舅服制奏

陛下體至仁之德廣推恩之道將宏引進以示睦親再發德音更令詳議臣等按大唐新禮親舅加至小功與從母同服此蓋當時特命不以輕重遞增蓋不欲參於本宗慎於變禮者也今聖制親姨舅小功更制舅母總麻堂姨舅袒免等服取類新禮垂示將來通於物情自我作則羣儒

風議徒有稽留並望準制施行

論蓋嘉運疏

伏見蓋嘉運立功破賊更委兩軍以勇果之才承戰勝之勢吐蕃小醜不足殲夷然臣近日與其同班觀其舉措精勁勇烈誠則有餘言氣矜誇恐難成事莫敖狃於蒲騷之役舉趾稍高春秋書之以爲懲戒恐其有驕敵之色臣竊憂之入秋防邊日月稍逼接對人吏須識其宐今將撫邊軍未言發日若臨事始去人吏未識雖決在一時恐將非制勝萬全之道況兵未訓練不知禮法人未懷惠士未同

心求其忘性命於一時憚嚴刑於少頃縱威逼而進因而  
立功恐非師出以律久長之義又萬人性命決在將軍不  
得已而行之鑿凶門而卽路今酣宴朝夕優渥有餘亦恐  
非愛人憂國之意不可不察若不可迴換卽望速遣進途  
仍乞聖恩勗以嚴命

請置武牢洛口等倉疏

江南戶口稍廣倉庫所資唯出租庸更無征防緣水陸遙  
遠轉運艱辛功力雖勞倉儲不益竊見每州所送租庸調  
等本州正月二月上道至揚州入斗門卽逢水淺已有阻

礙須停留一月以上三月四月以後始渡淮入汴多屬汴  
河乾淺又船運停留至六月七月以後始至河口卽逢黃  
河水漲不得入河又須停一兩月待河水小始得上河入  
洛卽漕洛乾淺船艘隘閘船載停滯備極艱辛計從江南  
至東都停滯日多得行日少糧食旣皆不足折欠因此而  
生又江南百姓不習河水皆轉雇河師水手更爲損費伏  
見國家舊法往代成規擇制便宜以垂長久河口元置武  
牢倉江南船不入黃河卽於倉內便貯輦縣置洛口倉船  
從黃河不入洛水卽於倉內安置爰及河陽倉柏崖倉太

原倉永豐倉渭南倉節級取便例皆如此水通則隨近轉運不通則且納在倉不滯遠船不憂久耗比於曠年長運利便一倍有餘今若且置武牢洛口等倉江南船至河口卽却還本州更得其船充運並取所減腳錢更運江淮變造義倉每年剩得一二百萬石卽數年之外倉廩轉加其江淮義倉多爲下溼不堪久貯若無般運三兩年色變卽給貸費散公私無益

請緣河置倉納運疏

伏惟陛下仁聖至深憂勤庶務小有饑乏降詔哀矜躬親

支計救其危急今旣大駕東巡百司扈從諸州及三輔先有所貯且隨見在發重臣分道賑給計可支一二年從東都廣漕運以實關輔待稍充實車駕西還卽事無不濟臣以國家帝業本在京師萬國朝宗百代不易之所但爲秦中地狹收粟不多儻遇水旱卽便匱乏往者貞觀永徽之際祿廩數少每年轉運不過一二十萬石所用便足以此車駕久得安居今昇平日久國用漸廣每年陝雒漕運數倍於前支猶不給陛下幸東都以就貯積爲國大計不憚劬勞皆爲憂人而行豈是故欲來往若能更廣陝運支入



京倉廩當有三二年糧卽無憂水旱今日天下輸丁約有四百萬人每丁支出錢百文充陝洛運脚五十文充營窖等用貯納司農及河南府陝州以充其費租米則各隨遠近任自出脚送納東都至陝河路艱險旣用陸脚無繇廣致若能開通河漕變陸爲水則所支有餘動盈萬計且江南租船所在候水始敢進發吳人不便河漕繇是所在停留日月旣淹遂生隱盜臣請於河口置一倉納江東租米便令江南船迴其從河口卽分入河雒官自雇船載運者至三門之東置一倉旣屬水險卽於河岸傍山車運十數

里至三門之西又置一倉每運至倉卽般下貯納水通卽  
運水細便止漸至太原倉沂河入渭更無停留所省巨萬  
臣嘗任濟定冀等三州刺史詢訪故事前漢都關內年月  
稍久及隋亦在京師緣河皆有舊倉所以國用常贍若依  
此行用利便實深

京師饑請廣漕運疏

陛下旣東巡百司畢從則太倉三輔可遣重臣分道賑給  
自東都益廣漕運以實關輔關輔旣實則乘輿西還事蔑  
不濟且國家大本在京師但秦地狹水旱易匱往貞觀永

徽時祿廩者少歲運粟二十萬略足今用度寔廣運數倍且不支故數東幸以就厥粟爲國大計臣願廣陝運道使京師常有三年食雖水旱不足憂今天下輸丁約四百萬使丁出百錢爲陝洛運費又益半爲營窖用分納司農河南陝州又令租米悉輸東都從都至陝河益湍湟若廣漕路變陸爲水所支尚贏萬計且河南租船候水始進河工不便河漕處處停留易生隱盜請置倉河口以納東租然後官自雇載分入河洛度三門東西各築厥倉自東至者東倉受之三門迫險則旁河鑿山以開車道運十數里西

倉受之度宜徐運抵太原倉趨河入渭更無留阻可減費鉅萬矣

皇太子衣服稱謂議

謹按衣服令皇太子具服有遠遊冠三梁加金博山附蟬九首施朱翠黑介幘髮纓翠綏犀簪導絳紗袍紅裳白紗中單阜領襌襪白裙襦白假帶方心曲領絳紗蔽膝白韞黑舄革帶劍佩綬等謁廟還宮元日冬至朔日入朝釋奠則服之其絳紗袍則是冠衣之內一物之數與裙襦劍佩等無別至於貴賤之差尊卑之異則冠爲首飾名制有殊

並珠旒及衣裳采章之數多少有別自外不可事事差異  
亦有上下通服名制是同禮重則具服禮輕則從省今以  
至敬之情有所未取衣服不可減省謂須更變名望所撰  
儀注不以絳紗袍爲稱但稱爲具服則尊卑有差謙光成  
德

太子賓客贈太子太師竇希球神道碑

聖上本元元之化以身而觀國酌堯舜之道睦親而逮疎  
羽儀成而正體尊肺腑寧而元首豫生人之始內教權輿  
文明在運外戚先理膺上仁而踐元舅享多福而執謙光

者其惟冀靖公平公諱希球字國珍扶風平陵人昭成皇  
后之第二弟也昔漢文恭儉垂統於西京我族有內輔之  
功政清而刑偃漢章長者揚休於東國我君有少宗一作小君  
之佐累洽而重熙貞觀創業也吾姑本周南之化時維太  
姜開元立極也吾姊合塗山之德時維文母昌化皆在乎  
明主景運必當乎太平千載相望重光四后豈比夫魏晉  
中朝之狹隘陰郭微時之屬籍或悠悠於戍申緬邈於褒  
紀不同年而語矣五代祖諱善平北將軍散騎常侍驃騎  
大將軍開府儀同三司侍中使持節都督北華州刺史永

富公載於周書高祖諱榮定平東將軍驃騎大將軍開府儀同三司洛鄭榮懷汴廣和霸秦寧成唐渭一十三州刺史秦州行軍使左右武衛大將軍陳國懿公著於隋史曾祖諱抗唐梁岐冀定幽易燕檀八州刺史遼東朔州二總管光祿大夫開府儀同三司左武侯大將軍納言贈司空陳國容公祖諱誕駙馬都尉殿中國子祭酒并州總管鎮北將軍太常卿刑部尚書右光祿大夫贈工部尚書荊州大都督莘國安公見太宗實錄考孝謹太常卿潤州刺史并州大都督贈太保幽國公或道濟舟楫或功垂劍履青

史之三朝相次彤弓之四代畢封此又衣冠之上腴人門之絕等者也公降靈辰象育粹淳源稟淵懿之姿體敦龐之度退讓致美不忘於先疇虛元爲心得之於先訓起家太子宮門丞朝散大夫尚乘奉御換尚舍奉御開元初累遷都水使者光祿少卿特階金紫光祿大夫將作少卿封冀國公又加銀青光祿大夫太子左諭德宗正少卿鄭王傅又遷太子賓客春秋七十有一以開元二十一年正月十九日遇疾薨於長安布政里之賜第天子輟朝變禮事優恆數乃下制曰申伯元舅禮實重於緣情堯典睦親義



兼在於追遠故銀青光祿大夫守太子賓客上柱國冀國公竇希球名高懿戚位重周行在貴不驕每執謙而守約與物無競常隱耀而含華以是全真方期永命徂遷奄及震悼良溪生而寵光已榮觀津之族歿有衰飾仍申渭陽之贈可贈太子太師賻物二百段米粟二百石應緣喪葬量事官供仍令京兆少尹田賓庭充使監護以某年十月二十六日歸祔於咸陽舊原禮也嗚呼善始令終者爲侯家之貴安時處順者爲達士之師目牛乎邀福之源忘我乎持盈之地非懸解溪識焉能及此昔之后族干政外家

操權穰侯之負乘王鳳之專擅苟欲憑寵不知退身時主之芒刺生乎上國人之怨譴作乎下千載義士爲之寒心公則懲於斯誠於斯雖望重凡百恩稱莫二承孝理之渙化當寵光之盛時而乃閉關偃息循牆俯僂無健羨於當路每蕭條於執釣清宴之間外言不入退食之暇時人不交其異讓也如此昔之姻黨不法舅氏過制成都之矜侈曲陽之僭奢旣青瑣而赤墀亦秦鐘而鄭舞郢家虧於易道騁欲違於老經天下之人爲之騰口公又懲於斯誠於斯雖師資藩邸羽翼龍樓富逾於百乘之家貴極於諸侯

之爵而乃居簡行儉寡欲少思出無弋釣之娛入無羅紈之費絲竹宴衍視若塵埃池臺雕斲未嘗營起其素約也如此昔之倚勢爲暴恃地作威武安之驕盈梁氏之凶蠹以毫詼而誣善以睚眦而殺人主意之益用不平謗書之紛然屢起四海之內爲之囂囂公又徵於斯誠於斯雖南陵周親北闕元老室家之皇枝帝戚猶子之尚主嬪王而乃謙不可逾卑以自牧忘大壯於榮貴思同人於醜夷公私遊聚大小無忤賓御出入閭閻不知其溫良也如此合是庶美歸於一貫諡之爲靖不亦宜乎皇上軫敦敘之恩

流平分之施自近推於及遠經邦始於正家不侮於邊夷  
之客而況於懿戚乎不遺於小國之人而況於純臣乎是  
故悲臨於渭陽感動於陟屺陪邑於先原建封於貴里所  
以教天下之爲子車通幃門加兵會同不錄班讌見不呼  
名所以教天下之爲甥觀乎聖慈曲被皇明深視舅氏榮  
寵折衷於人言外宗法度儀刑於士禮當是時也以伯舅  
護儲兩以肆舅儀台司以大宗率譜屬以小宗通賙餼則  
官政條而家事理矣故五侯之第四姓之宗罕與誦於適  
人無纖羅於廷尉存則壽考歿則哀榮君臣交泰若茲之

美開府儀同三司畢國公希琬公之第三弟也親賢並茂  
德位齊優公嗣子無祿不及終事畢公執喪哀次義切天  
倫親率宗姻躬侍輶紼威儀則序禮物其容詔葬紛紜傾  
城縱觀台臣白首陟崇岡而北臨宰樹青松瞻舊城而西  
靡有以知冀公之令名不殞盛德歸全畢公之至行惟殷  
孔懷纏慕廼俾夫具臣惟舊直質無華者書其實錄蓋取  
信於金石不欺於聞見云爾敘其詞曰

沔彼嫄水福祥伊始坤道元亨后族清理靖公樹德含章  
濟美溫良淑人

疑脫四字

退讓維何溫良則那就閒違劇受少

辭多金玉三緘羔羊五紵國人無忤宗族以和北闕元舅  
東闈上客吾邑百乘吾門萬石淡休純素退藏虛白儀刑  
衣冠光我墳籍輔仁徒欺過隙難追朝野增慕哀榮在斯  
賻以國錢尊爲子師興言渭陽何痛如之兆啟鄧畢行臨  
秦鎬樹拱行楸根陳宿草歎息遺事湮沈故老勒銘豐珉  
敢告神道

欽定全唐文卷二百九十八目錄

王峻

賀拜南郊表

賀拜南郊表

賀饗太廟拜南郊表

謝追赴大禮表

請移突厥降人於南中安置疏

吳兢

乞典郡表

讓奪禮表

第二表

第三表

爲桓侍郎讓侍中表

諫畋獵表

諫十銓試人表

上貞觀政要表

請總成國史奏

上中宗皇帝疏



上元宗皇帝納諫疏

大風陳得失疏

諫東封不宣射獵疏

貞觀政要序

楊瑒

請定帖經奏

諫限約明經進士疏

柳渙

請還葬伯祖爽表

趙郡洹河石橋銘

馮紹正

賀雨表

欽定全唐文卷二百九十八

王峻

峻滄州景城人徙家洛陽弱冠明經擢第景龍末充朔方  
軍副大總管兼安北大都護隴右羣牧使開元十年拜太  
子詹事累封中山郡公十一年同中書門下三品充朔方  
軍節度大使二十年卒年七十餘贈尚書左丞相諡曰忠  
烈

賀拜南郊表

臣峻言臣聞鴻勲大猷必崇昭饗至德廣運莫先郊禋伏

惟陛下紹皇開圖纂聖興業舉昭祀之典尊嚴配之儀伏  
以長至陽升用書雲物元穹有事祐福無窮畿嶽會同卉  
木咸悅臣獨擐甲朔野履冰一作理兵河外不獲躬陪玉一作大  
輅預奉園壇屏營塞垣抃躍何已無任翹翹鳬藻之至

賀拜南郊表

臣某言臣伏承陛下親拜南郊恭禋上帝竭孝誠於殷薦  
示彝訓於兆人寰海無虞元穹啟祐百靈効職九服駿奔  
燔燎洞合於神光日月共禎於瑞色乾坤交泰動植歡榮  
臣限以守職在藩不獲趨陪大禮無任慶躍屏營之至

賀饗太廟拜南郊表

臣某言臣得度支鹽鐵轉運副使戶部侍郎潘孟陽狀報  
伏承皇帝陛下以來年正月四日謁元元宮五日饗太廟  
六日拜南郊制命施行中外慶抃臣某誠歡誠抃頓首頓  
首臣聞四氣首時履端爲貴六經重祭報本是先伏惟皇  
帝陛下光啟睿圖纂承寶厯功格宇宙德冠勲華以建寅  
之吉辰備用辛之大禮祇事宮一作宗廟克禋烈祖之嚴對  
越天地聿修孝孫之敬萬靈從祀以肸蠁四夷率職而駿  
奔樂奏九成神降百福臣幸逢昌運外守藩條不及侍蒼

輅之後塵仰泰壇之盛典心馳魏闕目極漢儀踴躍海隅  
倍萬恆品

謝追赴大禮表

臣駿言直省王容至伏奉恩敕朔方無事且赴大禮者臣  
肅承寵命喜躍交并臣某中謝臣實不才累承恩獎入參  
喉舌叨居國相之榮出總旌麾謬忝元戎之寄常願俯陳  
螢燭寧有益於曦舒思竭涓塵何以裨於海岳每憂折鼎  
負乘碎首糜軀何階答於照臨撫已增於悚息伏以禋宗  
大享禮備郊天特垂綸綍之私聽同玉帛之會馳心輦蹕

不遑俟駕跼影塞垣迫於遵守以慶以懼戰汗兼深今長  
河始冰大漠初雪邊亭有賊今正其時事不可期兵難預  
度倘驚塵忽起禍出不虞臣進不之京退不及事微軀塞  
責無益於軍誠願陪扈屬車仰望雲漢願惟軍旅之重正  
當預備之辰不敢釋此嚴防馳赴恩命惟當利兵訓卒息  
烽候於三邊耀武懷荒宣皇威於萬里無任悚荷屏營之  
至

請移突厥降人於南中安置疏

突厥時屬亂離所以款塞降附其與部落非有讎嫌情異

北風理固明矣養成其釁雖悔何追今者河曲之中安置降虜此輩生梗實難處置日月漸久姦詐逾深窺邊間隙必爲患難今有降者部落不受軍州進止輒動兵馬屢有傷殺詢問勝州左側被損五百餘人私置烽鋪潛爲抗拒公私行李頗實危懼北虜如或南牧降戶必與連衡臣問沒蕃歸人云却逃者甚衆南北信使委曲通傳此輩降人翻成細作儻收合餘燼來逼軍州虜騎憑陵胡兵應接表裏有敵進退無援雖復韓彭之勇孫吳之策令其制勝其可必乎望至秋冬之際令朔方軍盛陳兵馬告其禍福啗



以繒帛之利示以麋鹿之饒說其魚米之鄉陳其畜牧之地並分配淮南河南寬鄉安置仍給程糧送至配所雖復一時勞弊必得久長安穩二十年外漸染淳風持以銳兵皆爲勁卒若以北狄降者不可南中安置則高麗俘虜置之沙漠之曲西域編氓散在青徐之右唯利是視務安疆場何獨降胡不可移徙近者在邊將士爰及安蕃使人多作諛辭不爲實對或言北虜破滅或言降戶安靜志欲自言功效非有以徇邦家伏願察斯利口行茲遠慮邊荒清晏黎元幸甚臣料留住之議謀者云遵故事必言降戶之

輩舊置河曲之中昔年旣得康寧今日還應穩便但時異  
事變先典攸傳往者頡利破亡邊境寧謐降戶之輩無復  
他心所以多歷歲年此類皆無動靜今虜見未破滅降戶  
私使往來或畏北虜之威或懷北虜之惠又是北虜戚屬  
夫豈不識親疏將比昔年安可同日臣料其中頗有三策  
若盛陳兵馬散令分配內獲精兵之實外祛黠虜之謀暫  
勞永安此上策也若多屯士卒廣爲備擬亭障之地蕃漢  
相參費甚人勞此下策也若置之朔塞任之來往通傳信  
息結成禍胎此無策也伏願察斯三者詳其善惡利害之

狀長短可尋縱因遷移或致逃叛但有移得之者卽是今日良圖留待河冰恐卽有變臣蒙天澤叨居重鎮逆耳利行敢不盡言

吳兢

兢汴州浚儀人以史才薦拜右拾遺內供奉直史館開元中拜諫議大夫兼修文館學士歷台洪饒蘄四州刺史加銀青光祿大夫封長垣縣子天寶初入爲恆王傅八年卒年八十餘

乞典郡表

臣自掌史東觀十有七年歲序徒淹勤勞莫著不能勒成大典垂誠將來顧省微躬久妨賢路乞罷今職別就他官至於理人之政在兢尤所詳曉望令試典一郡刺舉外臺必當效績循良不負朝寄又兢父致仕已來俸料斯絕所冀祿秩稍厚甘脆有資烏鳥之誠幸垂矜察

讓奪禮表

草土臣兢言伏奉去年八月十日恩敕追臣赴京起復尚書水部郎中依舊兼判刑部郎中知國史事聞命驚號心手無措臣兢中謝臣行負幽明禍延所怙銜哀茹血五情

崩潰卜隣之訓永慕不追陟岵之感窮寃已及但心同木石未能自死豈悟皇明旋加辟命且臣聞在家稱孝居國必忠苟違斯理實虧禮教焉有躬嬰荼毒而跡忝南史首伏苫廬而名叨東觀將何以發揮帝典褒貶人倫定一代之是非爲百王之準的臣不敢遠喻前古廣飾浮辭自近歲以來起復者則有御史大夫解琬黃門侍郎張說工部侍郎蘇頲皆訴哀陳款特蒙矜遂此實成例竊敢庶幾伏願陛下敦孝理之風全通喪之典追收綸渙俯納懇誠許其畢疚私庭終服凶次獲申負土之禮用展攀栢之悲則

雖死之年猶生之日無任荒迫之至謹遣臣大學生終奉  
表陳乞以聞

第二表

草土臣兢言頻表乞哀誠辭已罄未蒙矜亮獎喻彌切鞠  
躬周章倍增號震臣聞自昔墨縗本因兵革權宜變禮不  
爲文儒後來浮薄罕存喪紀事匪軍容亦從權奪陛下休  
明撫運景業惟新伏望革近代之澆漓復先王之至德況  
史官之任爲代準的若苟虧情理輒徇恩榮覲目強顏操  
簡書事適足玷聖朝之孝理何以樹終古之風聲特乞天

慈少加矜察使畢情苦由少申悲露則天地之恩實爲至厚臣子之道幸此克全無任懇迫之至謹詣朝堂路左奉表乞哀以聞

### 第三表

草土臣兢言臣去秋九月一日冒死哀訴冀得終服私門天睠猶邈未垂哀察跼影窮號罔知自寘又奉十一月二日敕史館要才須從權奪宜令州縣敦諭發遣者伏對崩號觸緒屠裂臣某中謝臣孝虧誠感奄邁憫凶瀝膽銜荼崩心茹棘脰骸殘喘豈冀生全天澤曲私屢加奪命令居

金定全月三  
史閣是掌記言臣昔忝此官十有餘載才輕寄重答效無  
施未能褒貶有章使人倫知勸典謬大訓與日月俱懸卽  
微臣平日其曠職如此今心形隕越荒疾失圖寧可重處  
南董之司頻叨班馬之列實貽貪祿之咎更招廢禮之辜  
顧視等夷何施面目且三年之制貴賤同遵四時之悲几  
筵是託乞歸身苦由趨侍松塋旣不負素心亦不玷皇化  
干黷已屢伏待刑書無任崩迫之至謹詣朝堂路左奉表  
乞哀以聞

爲桓侍郎讓侍中表



臣彥範言伏奉恩制除臣侍中光大之命忽降望表顛越之懼頓積心涯臣某聞君子樹功心在利物義夫建策口不言賞故田疇以責塞爲

闕十  
六字

趾達於閭里筮仕本祈於

州縣屬天道貞觀功能咸錄曾未一紀殆將十遷二人憲司莫禁奸宄再升會府寧裨準繩掌棘木之刑訟聲詎弭受羽林之寄軍容未肅循省知懼寢興弗遑頃逆豎等潛搆禍端竊窺神器外結凶黨陰懷密圖則天大聖皇帝天縱睿明察之於將兆陛下性命神武擒之於發機臣職統士卒受命梟斬此宗社之福也陛下之明也臣何力之有

焉金紫佩腰已虧於曩節貂蟬冠首胡顏於後命不出旬  
朔頓越等倫臣知不可物議誰塞臣又聞暴進者懼咎知  
止者無辱詩有匪服之議易著折足之誠歷考前載益用  
惶惑且賞罰之柄國之大典罰一罪使天下革心賞一人  
使天下知勸今皇極肇建明命初基惠化始覃而賞勸失  
中此臣所以固讓也況此官出納帝命喉舌王言政之理  
亂實所攸繫豈可以微蚋之力能負邱山一葦之航克濟  
溟渤伏願覽任官惟賢之旨察量能受職之義寢已施之  
澤鑒不奪之誠幸甚幸甚

諫畋獵表

臣兢言伏見明制來年五月五日幸東都道路皆以陛下  
至長春宮及沙苑當有畋獵之事今東土耆艾關河士女  
莫不欣躍舞忭翹望帝車延頸企踵所思者德伏願陛下  
舉無失禮動則有章詩云敬慎威儀惟人之則愚臣以山  
陵始畢甫及逾年陛下縵服雖除心喪未已四海之內八  
音尚遏豈可遽將犬馬爲娛鷹隼是務必或如此則恐傷  
人子之道虧天地之經欲令萬方何所取則況禮經云三  
年之喪自天子達之陛下旣俯順當時之請唯行易月之

制奈何更盤于遊畋以徇從禽之樂豈可謂明王之孝理  
天下乎而望德教加於百姓必不可得也昔魯侯觀魚于  
棠春秋尚列其戒陛下若旣葬而獵後代豈不爲刺且馳  
驚山澤之間經過林薄之下水谷之危未遠銜策之變不  
恆伏願陛下重慎防微須爲社稷自愛老子曰我無爲而  
人自化我無欲而人自朴詩云爾之教矣人胥效矣由是  
觀之居上者必慎所好愚臣職居待問兼掌史筆竊以君  
舉必書位在無隱旣聞衆所流議實恐有玷聖猷區區之  
誠唯在於此輒敢冒死上陳伏願留神省察恕此狂斐之

罪

諫十銓試人表

臣聞易稱君子思不出其位言各止其所不侵官也此實百王準的伏見敕旨令韋抗等十人分掌吏部銓選及試判將畢遽召入禁中決定雖有吏部尚書及侍郎皆不得參其事議者皆以陛下曲受讒言不信於有司也然則居上臨人之道經邦緯俗之規必在推誠方能感物抑又聞用天下之智力者莫若使天下信之故漢光武置赤心於人腹良有旨哉昔魏明帝嘗卒至尚書省尚書令陳矯跪

問曰陛下欲何之帝曰欲按行省司文簿矯曰此是臣之職分陛下非所宜臨若臣不稱職則就黜退陛下宜卽還宮帝慙而返又陳平丙吉者漢家之宰相也尚不對錢穀之數不問路死之人故上自天子至於卿士守其職分而不可輒有侵越也況我大唐萬乘之君卓絕千古之上豈得下行選事頓取怪於朝野乎凡是選人書判並請委之有司仍停此十銓分選復以三銓還有司

上貞觀政要表

臣兢言臣愚比嘗見朝野士庶有論及國家政教者咸云

若陛下之聖明克遵太宗之故事則不假遠求上古之術  
必致太宗之業故知天下蒼生所望於陛下者誠亦厚矣  
易曰聖人感人心而天下和平今聖德所感可謂深矣竊  
惟太宗文武皇帝之政化自曠古而來未有如此之盛者  
也雖唐堯虞舜夏禹殷湯周之文武漢之文景皆所不逮  
也至如用賢納諫之美垂代立教之規可以宏闡大猷增  
崇至道者並煥乎國籍作鑒來葉微臣以早居史職莫不  
成誦在心其有委質策名立功樹德正詞鯁義志在匡君  
者並隨事載錄用備勸戒撰成一帙十卷合四十篇仍以

貞觀政要爲目謹隨表奉進望紆天鑒擇善而行引而伸之觸類而長之易不云乎聖人久于其道而天下化成伏願行之而有恆思之而不倦則貞觀巍巍之化可得而致矣昔殷湯不如堯舜伊尹恥之陛下儻不修祖業微臣亦恥之詩云念我皇祖陟降庭止又云無忝爾祖聿修厥德此誠欽奉祖先之義也惟陛下念之哉則萬方幸甚不勝誠懇之至謹奉表以聞謹言

請總成國史奏

臣往者長安景龍之歲以左拾遺起居郎兼修國史時有



武三思張易之昌宗紀處訥宗楚客韋溫等相次監領其職三思等立性邪佞不修憲章苟飾虛詞殊非直筆臣愚以爲國史之作在乎善惡必書遂潛心積思別撰唐書九十八卷唐春秋三十卷用藏於私室雖縣歷二十餘年尚刊削未就但微臣私門凶釁頃歲以丁憂去官自此便停知史事竊惟帝載王言所書至重儻有廢絕實深憂懼於是彌綸舊紀重加刪輯雖文則不工而事皆從實斷自隋大業十三年迄乎開元十四年春三月卽皇家一代之典盡在於斯矣旣撰將成此書於私家不敢不奏又卷軸稍

廣繕寫甚難特望給臣楷書手三數人并紙墨等至絕筆之日當送上史館

上中宗皇帝疏

今聞道路云云皆言賊臣等竊議以安國相王連謀於重俊共加羅織將欲寘於法臣既忝職諫曹安敢不奏臣聞庶物不可以自生陰陽以之亭育大寶不可以獨守子弟成其藩翰昔武王聖主也成王賢嗣也然封建魯衛以扶社稷所以龜鼎相傳七百餘載始皇絕昭襄之業承戰爭之弊忽先王之典制比宗親於黔首孤立無輔二代而亡

及諸呂用權將傾劉氏朱虛爲其心腹絳侯作其爪牙劉氏復安豈非宗子之力歟國之安危在于藩屏故設官分職先親後疏詩云宗子維城書云九族旣睦自文明之後皇運中衰國之祚裔不絕如綫洎陛下龍興恩被骨肉搜謫竄於炎障復衣冠于庭闕萬國歡心孰不慶幸且安國相王實陛下之同氣六合至廣親莫加焉但賊臣等日夜同謀必欲寘於極法此則禍亂之漸不可不察夫相王之仁孝幽明共知頃遭荼苦哀毀過制以陛下爲性命亦陛下之手足大孝於父母而惡於兄弟者未之有也若信任

邪佞委之於法必傷陛下之恩失天下之望所謂芟刈股肱獨任胷臆方涉江漢棄其舟楫可爲寒心可爲慟哭自昔翦伐枝幹委權異族者未有不喪其宗社也何以明之秦任趙高卒致傾敗漢委王莽遂成篡逆晉家以自相魚肉寰瀛鼎沸隋皇以猜忌子弟海縣塵飛驗之覆車安可重跡是以任之以權雖踈必重奪之以勢雖親必輕臣又聞之根朽則木枯源涸則流竭子弟者國之根源豈可使其朽竭哉先王所以廣封樹存親親使謀孫翼子柯葉碩茂況皇家枝幹零落無幾方之先朝十不存一自陛下登

極于今四紀一子以弄兵被誅一子以愆失遠任惟此一  
弟朝夕左右斗粟尺布之刺可不慎焉蒼蠅之詩誠可畏  
也昔者謗書盈篋難明於主君讒言三至見疑於慈母伏  
願陛下降明制曉羣邪使忠臣孝子知友于之愛姦佞庸  
回執讒慝之口下全棠棣之美上慰罔極之心德教加於  
兆人風化流於千載則羣生幸甚臣本布衣匪求官達聖  
明過聽拔齒諍臣不勝受恩之甚謹昧死讜言輕瀆天威  
伏增戰汗

上元宗皇帝納諫疏

自古人臣不諫則國危諫則身危臣愚食陛下祿不敢避身危之禍比見上封事者言有可采但賜束帛而已未嘗蒙召見被拔擢其忤旨則朝堂決杖傳送本州或死於流貶由是臣下不敢進諫古者設誹謗木欲聞已過今封事謗木比也使所言是有益於國使所言非無累於朝陛下何遽加斥逐以杜塞直言道路流傳相視怪愕夫漢高帝赦周昌桀紂之對晉武帝受劉毅桓靈之譏況陛下豁達大度不能容此狂直耶夫人主居尊極之位顓生殺之權其爲威嚴峻矣開情抱納諫諍下猶懼不敢盡奈何以爲

罪且上有所失下必知之故鄭人欲毀鄉校而子產不聽也陛下初卽位猶有褚先生量張廷珪韓思復辛替否柳澤袁楚客數上疏爭時政得失自頃上封事往往得罪諫者頗少是鵲巢覆而鳳不至理之然也臣誠恐天下骨鯁士以讜言爲戒撓直就曲斲方爲利偷合苟容不復能盡節忘身納君於道矣夫帝王之德莫盛於納諫故曰木從繩則正后從諫則聖又曰朝有諷諫猶髮之有梳猛虎在山林藜藿爲之不采忠諫之有益如此自古上聖之君恐不聞已過故堯設諫鼓禹拜昌言不肖之主自謂聖智拒諫

害忠桀殺關龍逢而滅於湯紂殺王子比干而滅於周此其驗也夫與理同道罔不興與亂同道罔不亡人將疾必先不甘魚肉之味國將亡必先不甘忠諫之說嗚呼惟陛下深鑒於茲哉隋煬帝驕矜自負以爲堯舜莫已若而諱亡憎諫乃曰有諫我者當時不殺後必殺之大臣蘇威欲開一言不敢發因五月五日獻古文尚書帝以爲訕已卽除名蕭瑀諫無伐遼出爲河池郡守董純諫無幸江都就獄賜死自是蹇諤之士去而不顧外雖有變朝臣鉗口帝不知也身死人手子孫勦絕爲天下笑太宗皇帝好悅至



言時有魏徵王珪虞世南李大亮岑文本劉洎馬周褚遂良杜正倫高季輔咸以切諫引居要職嘗謂宰相曰自知者爲難如文人巧工自謂已長若使達者大匠詆訶商略則蕪辭拙跡見矣天下萬機一人聽斷雖甚憂勞不能盡善今魏徵隨事諫正多中朕失如明鑑照形美惡畢見當是時有上書益於政者皆黏寢殿之壁坐望卧觀雖狂瞽逆意終不以爲忤故外事必聞刑戮幾措禮義大行陛下何不遵此道與聖祖繼美乎夫以一人之意綜萬方之政明有所不燭智有所不周上心未諭於下下情未達於上

伏惟以虛受人博覽兼聽使深者不隱遠者不塞所謂闢四門明四目也其能直言正諫不避死亾之誅者特加寵榮待以不次則失之東隅冀得之桑榆矣

大風陳得失疏

自春以來亢陽不雨乃六月戊午大風拔樹壞居人廬舍傳曰欲德不用厥災旱上下蔽隔庶位踰節陰侵於陽則旱災應又曰政悖德隱厥風發屋壞木陰類大臣之象恐陛下左右有姦臣擅權懷謀上之心臣聞百王之失皆由權移於下故曰人主與人權猶倒持太阿授之以柄夫天

降災異欲人主感悟願深察天變杜絕其萌且陛下承天  
后和帝之亂府庫未充冗員尚繁戶口流散法出多門賕  
謁大行趨競彌廣此弊未革實陛下庶政之闕也臣不勝  
惓惓願斥屏羣小不爲慢遊出不御之女減不急之馬明  
選舉慎刑罰杜僥倖存至公雖有旱風之變不足累聖德  
矣

諫東封不宜射獵疏

陛下爰自雒邑將告禪岱宗行經數州屢以畋獵爲事伏  
恐外荒之攸漸成非致理之所致況陳封告成禮容甚大

伏願罷此遊畋之事克備文物之儀又貞觀時太宗文皇帝凡有巡幸則博選識達古今之士以在左右每至前代興亡之地皆問其所繇用爲鑒誠伏願陛下遵而行之則與夫騁奔馬於澗谷要狡獸於叢林不慎垂堂之危不思馭朽之變安可同年而較其優劣

貞觀政要序

有唐良相曰侍中安陽公中書令河東公以時逢聖明位居宰輔寅亮帝道弼諧王政恐一物之乖所慮四維之不張每克已勵精緬懷故實未嘗有乏太宗時政化良足可

觀振古而來未之有也至於垂代立教之美典謨諫奏之詞可以宏闡大猷增崇至道者爰命不才備加甄錄體制大略咸發成規於是綴集所聞參詳舊史撮其指要舉其宏綱詞兼質文義在懲勸人倫之紀備矣軍國之政存焉凡一帙一十卷合四十篇名曰貞觀政要庶乎有國有家克遵前軌擇善而從則可久之業益彰矣可大之功尤著矣豈必祖述堯舜憲章文武而已哉其篇目次第列之於左

楊瑒

瑒字瑤光華州華陰人開元中歷遷國子祭酒再遷大理卿拜左散騎常侍卒年六十八贈戶部尚書諡曰貞

請定帖經奏

今之舉明經者主司不詳其述作之意每至帖試必取年頭月尾孤經絕句自今已後考試者盡帖平文以存大典今之明經習左氏者十無一二恐左氏之學廢又周禮儀禮公羊穀梁亦請量加優獎

諫限約明經進士疏

太學者教人務禮樂敦詩書也古制卿大夫子弟及諸侯

歲貢小學之異者咸造焉故曰十五入太學學先聖禮樂而朝廷君臣之禮班以品類分以師長三德以訓之四教以睦之人既知勸且務通經學成業著然後爵命加焉以之效職則知禮節以之莅人使識廉讓則棧樸之咏興也伏聞承前之例監司每年應舉者嘗有千數簡試取其尤精上者不過二三百人省司重試但經明行修卽與擢第不限其數自數年以來省司定限天下明經進士及第每年不過百人兩監惟得一二十人若常以此數而取臣恐三千學徒虛廢官廩兩監博士濫縻天祿臣竊見流外入

仕諸色出身每歲尚二千餘人方於明經進士多十餘倍  
則是服勤道業之士不及胥吏浮虛之徒以其效官豈識  
於先王之禮義國家大啟庠序廣置教道厚之以政始訓  
之以士先豈徒然哉將有以也陛下設學校務以勸進之  
有司爲限約務以黜退之臣之微誠實所未曉臣伏見承  
前以來制舉遁迹邱園孝弟力田者或試時務策一道或  
通一經粗明文義卽放出身亦有與官者此國家恐其遺  
才至於明經進士服道日久請益無倦經策旣廣文辭極  
難監司課試十已退其八九考功及第十又不收其一二



若長以爲限恐儒風漸墜小道將興若以出身人多應須諸色都減豈在獨抑明經進士也

柳渙

渙蒲州解人河北道推勾租庸使兼復囚使判官衛州司功參軍開元初爲中書舍人

請還葬伯祖奭表

臣堂伯祖奭去顯慶三年與褚遂良等五家同被譴戮雖蒙遺制盪雪而子孫亾沒並盡唯有曾孫無忝見貫龔州蒙雪多年猶同遠竄陛下自臨寓縣優政必被鴻恩及於

泉壤大造加於亾絕先天已後頻降絲綸曾任宰相之家  
並許收其淪滯況臣伯祖往叨執政無犯受誅蒙宥尚隔  
故鄉後嗣遂編蠻服臣不申號訴義所難安伏乞許臣伯  
祖還葬鄉里其曾孫無忝放歸本貫

趙郡洩河石橋銘

於繹工妙沖訊靈若架海維河浮鼉役鵲伊制或微茲模  
蓋略析堅合異超涯截壑支堂勿動觀龍是躍信梁而奇  
在啟爲博北走燕薊南馳溫洛駢駢壯轅殷殷雷薄攜斧  
拖繡騫驄視鶴藝入侔天財豐頌閣斲輪見嗟錯石惟作

並固良球人斯瞿聃

馮紹正

紹正福州長樂人開元中官少府監守殿中丞累遷戶部侍郎封安昌縣開國男

賀雨表

自夏以來時稍微旱昨令臣畫龍刻魚聖躬親用祈禱先天不違油雲鬱興甘澤滂降百穀豐就萬物滋成臣忝有司實荷殊慶請宣付史館以闡皇猷